

vel ab exhalatione tantum bitumen
resoluitur. Dilucidior enim & purior
fit color, quo citius resolutum bitu-
men, aquæ, præsertim frigidiori misce-
tur: quæ caloris impetum moderatur,
ac spiritus efficiētes corpus diapha-
num, ne resoluantur, coercet, tollit
densitatem atque inæqualitatem. Ab
aqua enim oriri pellucidum colorem
indicant gummata. ea namq; si dissol-
vantur in aqua, magis perspicua fiunt.

Si item aqua incalescens, vnà cum
bitumine elixatur, tunc tenuior aqua
istâ coctione abluet & exteret tum
terrestres tum igneas quoque partes:
ita vt bitumen, quod antea rufum fu-
it, assumat aqueum colorem: sin verò
nigro & opaco fuit colore præditum,
in purpureum primò conuertetur,
mox in rufum, & per varios rubedi-
nis gradus in aureum, ex aureo ad cry-
stallinum eò propius accedet, quò
crebrius vapore tenuiori ac copio-
siori elixabitur, ac iterata coctione